

之行卽得馬仙神箭安知不轉射常恩

### 六戲方士

閣臣萬安深中寬外其時萬貴如寵冠後宮安稱子姪行內外之聲援益固並求方士房中術進之如大喜居無何而妃卒方萬安之求此術也方士路逢淵高談採戰以術授安後自稱法師命安往西山受道路先於途中待之數日不至無聊由散步郊墟忽遇一道叟松顏鶴髮齒高面紅如赤松黃石輩問其姓不答叩其道不言叟笑吟曰路逢窵路逢窵今日何緣遇萬安飄然而去路大驚逡巡欲返爾時日色沉山林昏鴉噪四顧茫然頓迷去向又見一樵叟荷薪而過問其姓曰張而不言名路

道藏輯要

三丰全集

顯蹟

三

續畢集七  
×××

求指迷老叟指青燈處卽是旅店一謝而別遂投宿焉破椽蕭蕭中夜聞隔屋嘆聲昵隙而窺則萬安也私心憐之又欲近之遂抽其破壁而過以圖一叙深情時安已神倦枕手而眠忽聞壁響疑是劫賊乃舉坐橙一擊其人遂撲呼隨侍覘之則自稱法師之路逢淵也安究其情則知爲問候而來伏地請罪路亦忍痛作禮問安曰相公不趨大道胡亦至此乎安言吾奉師命欲往西山夜夢仙叟對吾指示云萬安萬安訪道西山山西山大路不逢緣吾故趨車小道而來不料與師相遇竟作此一段惡戲

圓通子曰以方士爲法師愚已甚矣師不成師故應受坐橙

一擊厥後萬安仍以房術進後宮被憲宗察出遂罷則徒弟亦失時矣

### 七戲方士

成化末梁芳李孜省鄧常恩趙玉芝先後謫戍繼皆遇赦而太監蔣琮力言芳等罪狀決不可赦故梁李廢死而鄧趙仍戍邊先謫戍時於途見旅壁遍處題云孜省梁芳罪惡大彰遇赦不宜赦令渠下獄亡常恩玉芝謫戍西夷逢赦不當赦長與中士離款落封三張云

圓通子曰羣小被謫已無生氣然小人心癡必有回望三台冀復大用如萬安黜歸時者故吾師題此戲之以了局一黨

### 道藏輯要

三丰全集 顯蹟

三 續畢集七 川上

也

### 道觀題詩

嘉靖末詔求天下方書時南京道觀崇清寺壁上有四絕句款落隱仙張玄玄題常有神燈夜照其字後忽為雷電取去詩見

### 雲水集中

### 大鬧魏祠

天啓中魏忠賢生祠幾遍天下而東華門外一所尤為壯麗日有襪襪瘋道三人奮步遊觀突入祠內擊忠賢土偶像奠土泥沙污穢滿面復於壁上大書四句云淫祠靡靡王室如燬錦繡江山竟委於鬼委鬼魏字守祠吏一見大驚方欲扭執而三瘋不見